

EMBLEMA XXVI.

Victus.

XXVI

Pereunt & laus, & præmia victo.

Magnanimus miles, cui laus, & præmia curæ,
 Qui censet vinci turpius esse nece,
 Spe desperatâ, porrecto inglorius ense,
 Per turpes optat viuere nemo preces.
 Cur toties igitur stygio superamur ab hoste?
 Et victor nobis eripit arma Charon?
 Nec potius laudem pudet, atque amittere cœlum,
 Quam sub tartareum turpiter ire iugum?
 Scilicet imbelles animi Melitesque catelli,
 Turbaque bellatrix, sed leporina, sumus.